

A painting of a shepherd with dark curly hair and a beard, wearing a yellow tunic and an orange shawl. He is leaning over a rocky ledge, holding a wooden staff in his right hand and reaching out with his left hand towards a small white lamb. The background shows a green hillside and a blue sky.

UTETHIO BUMITE IGURU

RIANDIKI NI
WATSON GOODMAN

GAUKU KAA
TIGAKWENDUA

UTETHIO BUMITE IGURU

“UTETHIO BUMITE IGURU” ni kuthuranua kwa icunci bia maandiko na njira ya mathomo kuma icuncine mwanya mwanya bia Iuku ria Murungu. Uuni imbitikitie woni buria buri buu bwega bwa maandiko ni Iuku ria Murungu riongwa.

Ruteto rwa Murungu “rumaga Iguru” na ruri na bata muno kiri nkoro iria iri na mpara na ikanyontera wagiru. Igita riria muntu erira, na agatigana na meeyia, na ageta Jesu Kristo ature nkorone yawe, na agetikia na nkoro yawe yonthe ati Mwathani Jesu Kristo ni Mwonokia, Mwathani agacimenyithanagia kiri muntu uu na aejane kugwirua kwawe wengwa na thiiri kiri nkoro ya mwitikia uu. Untu buu ndabwonere mwaka jwa 1937, na ntathukia ngwataniro iiji ya kurigaria na Mwathani kuuma igita riu. Ni ngukuringiriria winenkanire kiri we atuike Mwonokia na Mwathani waku onandi, ukethira utithithitie uu kairi.

— Watson Goodman (1920-2002)

Aroma 5:8

Indi-ri, untu buria bwonanagia ati Murungu natwendete ni bu-bu, ni ati riria twari eeyia Kristo naakuire ni untu bwetu.

Johana 13:1

Na-ri, kiatho kia Pasaka gitira-kinya, Jesu amenya ati igiita ria-we irikinyi riria akauma nthiguru iji eete kiri Ithe, na tontu nee-ndete antu bawe wengwa baria baari nthiguru, arabeenda mwa-nka muthiro jwa wendani.

Kugwurirwa 1:5

Na kiri Jesu Kristo, na niwe mukuuji wa gwitikika, nawe ni-we rikithathi ria kuuma kiri akuu,

nawe niwe mwathi wa anene ba nthiguru. Atiri, kiri We uria ut-wendete, na watuthaurire na tha-rike yawe turau ma meeyiene jetu.

Tontu bwa uria Murungu eendere kirindi kia nthiguru, naa-ritire Mutanowe-wa-mumwe, ni-kenda muntu kinya uriku uria ukamwitikia atikeeje kuura, indi eeje agite mwoyo jwa kenya na kenya.
— Johana 3:16

Mwathani naacionanirie kirini o karaja, arambira, Ninkwendete gwe na wendani buria bukarituu-ra mwanka kenya; niu ni untu buu butumite ngukucia na kiao giakwa.
— Jeremia 31:3

1 Timotheo 3:16

Ningi-ri, mantu ja kiriga kiria muntu athingataga nakio Murungu, ni mma ni gikinene; we oonanirue ari na mwiri, We oonanirue ari na mwiri, Na aroomba-na ndene ya Kirundu, Na kinya akionagwa ni araika, Ningi nku-ma yawe ireeranwa kiri antu ba migongo, Na areetikua ni antu ba nthiguru, Na ningi arajukua arai-kua mwagone.

Johana 14:9, 10

Jesu aramwira atiri, Anga tut-wire nabwi igiita ring'ana uu, nagwe Filipu utirambiji; muntu uria umbonete ni noonete Baaba; niki

untu wambira, Twonie Baaba? Gotigwitikia ati ndi ndene ya Baaba, na Baaba ari ndene ya-kwa? Nteto iria mbwiraga ntugaga untu bwakwa ningwa; ni Baaba uthithagia ngugi ciawe atwire ndene yakwa.

Johana 1:1 na 14

O mbere kiambiririene Ruteto irwari o, na Ruteto rwari kiri Murungu, na Ruteto rwari Mu-rungu. . . . Ruteto ruraa muntu, aratuuranira natwi, oojuritwe ni utugi o na mma; (natwi turacionera mwago jwawe, mwago ju-kari ta mwago jwa Mwana-wa-mumwe aumite kiri Baaba.)

1 Johana 4:15

O muntu kinya uriku uria u-kaumbura ati Jesu niwe Mutana wa Murungu, Murungu agatuura ndene yawe, nawe agakaraga ndene ya Murungu.

Akolosai 2:9

Tontu ndene ya Kristo niku muujuri jwa Umurungu jutuuraga ki-umwiri.

Isaya 9:6

Ni unto-ri, twi nituciariri mwana, twaewa mwana wa kaiji; na-bu wathani bugakara gituro kia-we; na riitwa riawe ageetwa Mu-rigerania Mugambi, Mweneinya

Murungu, Baaba wa kenya na ke-nya, Munene wa thiiri.

Luka 1:35

Muraika aramucokeria ara-mwira atiri, Kirundu Umutheru akeeja kirigwe, na inya ya Uria Uri Iguru mono igagukinyira; na ri, ni unto buu, kiria ugaciara gi-geetwa gikitheru, ningi Mutana wa Murungu.

Mathayo 17:5

Na riria aaragia-ri, itu riria rie-netie rireeja rirabathiika; na atiri, kaju karauma itune, karauga, Uju niwe Mutanokwa uria ngwiragua mono niwe: mwitikagireni.

Johana 9:5

Igiita riria ndi nthiguru ndi weru bwa nthiguru.

Johana 8:23

Nawe arabeera, Bwi buri ba nthiguru; ni ndi wa iguru; bwi buri ba nthiguru iji, ni nti wa nthiguru iji.

Johana 13:13

Bumbitaga Muritani, na bumbitaga Mwathani; na ni bwega buugaga, tontu nini we.

Johana 6:35

Na Jesu arabeera atiri, Nini mugate jwa mwoyo; muntu uria wijaga kirini atikaigua mpara; na

muntu uria umbitikagia ni, atikagua nyonta kinya ri.

Johana 11:25

Na Jesu aramwira atiri, Nini kuriuka na nini mwoyo; uria ukambitikia ni, kinya akua agatuura mwoyo.

Johana 8:58

Jesu arabeera atiri, Ni mma ni mma gankubwira atiri, Mbere Iburahim aticiari no ndatwire o.

Johana 10:7

Tontu buu Jesu aracoka arabeera atiri, Ni mma ni mma gankubwira atiri, Ni ndi mpingiro ya ng'ondu.

Mathayo 14:19-21

Areera ntundu ikare nthi nya-kine; arajukia migate iu itano na makuyu jo-jairi, araciukia metho Iguru, aramitharima, araming'enyuranga, aranenkera aritwa migate, aritwa nabo baraikiria ntundu. Na bonthe bararia banyira; na baroothurania matigi ja tung'enyua ikabu ikumi na bii-ri biujuri. Na baria baariire baari ta arume ngiri ithano, tiga aka na twana.

Luka 5:4-6

Na aatiga kwaria, areera Simon atiri, Riitaitithie aria oorokerete, bwinike ngara cienu bugwatie

makuyu. Simon nawe aracokia aramwira atiri, Mwathani, utuku bunthe turitite ngugi mono, na tutigwatie no mbi, indi-ri, ni untu bwa ruteto rwaku nkeenika ngara. Baathithia uu, baragwatia makuyu jamaingi; na ngara ireenda gutambuka.

Mathayo 20:30 na 34

Na atiri, atumumu bairi nibaa-tuguani ruteere rwa njira, ndii-ria baigua ati Jesu nakurukite baraikaira, bakiugaga, Mwathani twigiirue kiao, itu mutana wa Daudi . . . Jesu nawe araigua kiao, araringithia metho jao; na o ndiu baracoka kwona, baramuthingata.

6 JESU KRISTO NIWE MUUMBI NA MWATHANI

Akolosai 1:16

Into bionthe nabio bioombi-rwe ndene yawe, biria biri Igru, na kinya biria biri nthiguru, na biria bionagwa, na biria bitionekaga: biethirwa ni nduriga cia unene, kana mantu ja kwathana, kana monene, kana inya, into bionthe ni kuumbwa bioombi-rwe ndene yawe, nabio bikaraga o ni unto bwawe.

Murungu . . . matuku jaja nandi ja nyuma atwaragiria mantu na kanyua ka Mutanowe, Uria aethetie mwene rugai rwa into bionthe, na into bionthe biria oombire aabiumbire na inya ya Uu.
— Ahibirania 1:2

Aroma 14:9

Tontu unto buu nibu bwatu-mire Kristo akue, na aracoka ku-riuka nikenda aee Mwathani wa baria bakua na wa baria bari mwoyo.

Johana 1:3

Into bionthe biombirwe niwe; na o gintu kionthe kiria kiumbi gutikio kiombirwe kinya kimwe, We ati o.

Mathithio 2:36

Ni unto buu rurijo runthe rwa Isiraeli nirumenye bwega, rutiga-kare na nkanja, ati Murungu aae-thetie Jesu uju, we uria bwi bwaa-mbithirie mutine iguru, aee Mwa-thani o na Kristo.

Aroma 14:10

Indi-ri, gwe niki tontu ugambi-thagia mutana wa Abagu? Kana-ri, gwe nimbi itumaga umena mu-tana-wa-Abagu? Ni untu twi twi-nthe no kinya tukororungama mbere ya ruriga rwa Murungu ruria rugambagirwa.

Mathayo 25:32

Na migongo yonthe ikoothu-rana mbere yawe; nawe akaathu-rana bamwe na bangi, o ta uria muriithi aathuranaga ng'ondu na mburi.

Aroma 2:16

Mantu jau jakoonewa ntuku iria Murungu agatua igamba na njira ya Jesu Kristo untune buu

bwa mantu jaria ja witho jari nkorone cia antu, o ta uria nkuma iji njega nkubwira yonana-gia.

2 Timotheo 4:1

Ndigukinyiiria mono mma ati-ri, Murungu ari o, na Kristo Jesu nawe ari o, We uria ukagambithia antu baria bari mwoyo na kinya baria bakuite, na untu bwa uria akagwurwa oonewe, na ningi uria agatuura kwathana.

Mathithio 10:42

Nawe naatwathire ati twi tutu-magiirie antu nteto iu, na tukuu-jagiire ati We niwe weethetue ni Murungu Mwathurani wa baria bari mwoyo na baria bakuite.

Ahibirania 5:9

Na riria aathiririe kwethua umuujuru nirio aere mwambia wa wonokio bwa kenya na kenya kiri baria bamwathikagira.

Ahibirania 7:25

Tontu bwa mantu jau, oomba kwonokia antu mma baria batengagiiria Murungu bakurukiirite kiri We, ni uria We atuuraga mwoyo ntuku cionthe akibarombagira.

Mathithio 4:12

Na wonokio butionora kiri ungi kinya uriku; ni untu ri, guti riitwa ringi kinya ririku guku

nthi, riria rieei antu, riria riagirite ria gutwonokia.

Johana 10:9

Ni ndi mpingiro, muntu akurukiira aria ndi akoonokua; na akurukage akiumaga, na oonage irio bia kuria.

Johana 14:6

Jesu aramwira atiri, Nini njira, na nini umma bungwa, nani ndi mwoyo; guti muntu wijikia kiri Baaba atijiirite kirini.

Johana 8:24

Nikio gitumite mbwira bugakuira meeyiene jenu; tontu bwarega gwitikia ati nini we bugakuiria meeyiene jenu.

Na bukaathage Baaba wetu uria utuumbithitie twethirwa turi eene rugai ruu rwa baria atheru wathanine buu bwa weru. Nawe nowe watutunyukirie turauma inyene ya mugundu, aratuma twita gukinya unenene bwa Mutanowe uria eendete mono; nawe aratkuura, aratuma meeyia jetu jeebua. — Akolosai 1:12-14

Nikwithirwa Mutana-wa-muntu eejire gucwa na kwonokia antu baria baurite — Luka 19:10

Kugwurirwa 5:9

Igita riu baraina rwimbo ruweru bakiugaga atiri, Gwe ni gwe wagirite kujukia iuku na ku-

rabura tutanta twa irenda; tontu nigwe wathinjirwe, uragurira Murungu na tharike yaku antu ba miiriga yonthe, na migambo yonthe, na ba mithemba yonthe na migongo yonthe.

1 Akorintho 1:30

Indi bwi buumite kiri We ndene ya Kristo Jesu, tontu niwe uthithitue aee uume buria buumite kwa Murungu, na wagiru na utheru, na ukuuri.

Tito 2:14

We uria wairekereerie ni untu bwetu, kenda atukuura umaramarine bunthe, na atutherie twee antu bawe mma, tukarage na wi ru bwa kuthithia mantu jonthe.

Aroma 5:9

Na nandi nkuruki mono, niuntu bwa uria tutaritwe ati turi babaagiru ndene ya tharike yawe, nou tukoonokua kiri muthuuro jwa Murungu ndene yawe.

Aefeso 1:7

Na-ri, ni ndene yawe tukuurtwe ni tharike yawe, na ningi twa-rekerwa irema rietu, ni untu bwa uria utugi bwawe bwingiite.

Indi tukeethirwa twitaga na weru, o ta uria We ari weru, turi na ngwataniro twingwa o muntu na ungi, na tharike ya Jesu Mutanowe nithambagia wiya bwetu bunthe. — 1 Johana 1:7

Nikwithirwa ibwiji ati kiria kia-bukuurire bugitigana na mantu ja ruugo, jaria bwathithagia riria bwaritani ni bojugu, ti gantu kathuukaga ta mbia, kana thaabu, indi ni tharike ya goro mono ya Kang'ondu karia gati igi, kana no gatumba, tayo tharike ya Kristo. — 1 Petero 1:18, 19

Ahibirania 9:14

Anga tharike ya Kristo, uria waciejanire kiri Murungu atina antu aathuuku ni untu bwa Kirundu Uria utuuraga kenya na ke-nya, itikurukithia mono kutheria nkoro cienu ndene, butiganage na ngugi iria iti gitumi, bwathikagire Murungu Uria uri mwoyo?

WONOKIO NA UNTU BWA WITIKIO NDENE 11

YA KRISTO

Aroma 5:1

Tontu twi, nitutaritwe turi babaagiru ni untu bwa witikio, turi na kwiganua na Murungu ni untu bwa Jesu Kristo.

1 Johana 5:4

Tontu o gintu kiria giciari kiuite kwa Murungu nikumbaga nthiguru; na inya iria twi tuumbaga nayo nthiguru ni witikio bwe-tu.

Aefeso 2:8, 9

Nikwithirwa-ri, bwonoketue na utugi ni untu bwa gwitikia, na-ri, untu buu ti bwenu bwingwa, indi

ni kiewa kia Murungu; nakio kie-wa kiu gitionoraga ni untu bwa mathithio kinya jariku, nikenda muntu kinya uriku atikeeje gwi-kumia.

Indi bibi biandikitwe nikenda bwitikia ati Jesu niwe Kristo, Mutana wa Murungu; na tontu bwa gwitikia bugite mwoyo ndene ya riitwa riawe. — Johana 20:31

Johana 6:28, 29

Nabo baramuuria atiri, Tuthi-thagie atia nikenda turitaga ngugi cia Murungu? Jesu aracokia arabeera, Ngugi ya Murungu ni-ri, ni bwitikire uria aatumire.

Zaburi 108:4

Nikwithirwa kiao giaku ni gikiingi, na gikinyite o mbere ya Iguru, Na mantu jaku ja mma jakinja o matune.

Nikwithirwa o ta uria Iguru riukiirite kiri nthi. No u kiao kiawe kiri gikiingi kiri baria bamukiraga.

— Zaburi 103:11

Indi-ri, kiao kia Mwathani igituuraga kiri baria bamukiraga kuuma kenya mwanka kenya, Na wagiru bwawe buthingatanaga na aana ba aana.

— Zaburi 103:17

Mika 7:18

Nuu Murungu ung'uanene nangwe, uria urekagira uthuuku, Na uria ukrukagira wiya bwa ma-

tigari ja rugai rwaku? We atigatuuria muthuuro jwawe igit rio-nthe Ni untu bwa uria agwiragua ni mantu ja kiao.

Kiriro 3:22, 23

Utugi bwa Mwathani butithiraga, na kiao kiawe gititiiraga; O ruukiiri o ruukiiri kiao giaku kitthagirwa kiri gikieru; gwitikua gwaku naku ni gukunene.

Naatwonokerie, ti untu bwa mantu jaria twathithagia twingwa ja wagiru, indi mono ni untu bwa kiao kiawe, na untu bwa kuthambua kuria gutumaga muntu aciarwe kairi, na untu bwa kuthongomua kairi ni Kirundu Umu-theru.

— Tito 3:5

Mathayo 11:28

Njuuni kirini, bwi bwinthe bria buritaga ngugi na guukiiria mirigo imirito, nani nkabunogokia.

Kugwurirwa 22:17

Kirundu nawe o na muiki bарауга, Nju! Na uria ukwigua na-we nauge, Nju! Na uria unyonti na-we neeje, o uria ukwenda, neeje ajukie ruuji rwa mwoyo na magi.

Johana 7:37

Na-ri, ntuku ya muthia, naju niju muthenya juria munene jwa kiatho kiu, Jesu naarungamire

aratumiiria arauga atiri, Muntu aigua nyonta eeje kirini anyue.

Isaya 55:1

Ibwi, o muntu uria uri na nyonta, njuuni ruujine; na kinya uria uti na mbia cia kugura, njuuni bugure na burie! Ii njuuni bugure ndivei ona iria, guti mbia ikugura, na guti uguri.

Isaya 1:18

Atiri njuune twirebe, niu Mwathani auga: na kinya meeyia jenu jakeethirwa jari mwakanu, jakaajameru o ta nkamia; na jakeethirwa jari jamatune gitarike jakeeroa o ta pamba.

1 Johana 3:10

Untune buria butumaga aana-ba-Murungu bamenyewa o na kinya aana-ba-nkoma ni bubu: ati o muntu uria utithithagia untu buria bwagirite, atiithagirwa aumite kwa Murungu; kana uria utendaga mutanethe.

Tontu antu bonthe baria batongagiirua ni Kirundu wa Murungu, bau nibo aana ba Murungu. Ni untu butaerwe kirundu wa ukombo bucoka gukiraga, indi nkuruki bwaerwe kirundu wa gutuma bumenyé ati buri aana, aana ba mwene; tontu buu tutumagiiriieni, tukauga atiri, Abba Baabba.
— Aroma 8:14, 15

Nikenda bukaa antu batiigi na batigitaga bubui, ningi bwhee ana-ba-Murungu baria batii kothuuku nandi iji butuuranitie na ruciara ruru ruremi na ruttiagirite, riria buri amwe nabo karageni kiribo buri ta maweru jaria jamurikagi-ra nthiguru. — Afilipi 2:15

2 Akorintho 6:17, 18

Tontu Umagareni gatigati kao, buciathurane nabo, uu niu Mwathani auga, Na ningi bugatongeni gantu gakathuuku; Nani nkabwitikira, Ningi nkaa Abagu wenu Nabwi bukaa atana bakwa na aari bakwa, uu niu Mwathani Mweeninya yonthe auga.

Isaya 5:11

**Wui kiri antu baria barookaga
guukiira ruukiiri kainda, beetite
kuthingatana na mbogita, baria
batindikanaga nayo o uu mwanka
riria ndivei igaakana mwanki
ndene ya biu biao!**

Agalatia 5:19-21

**Atiri, mantu jaria miiri yenu
yendaga jathithua nijaijiwe mono,
najo ni jaja: ni uthungiiri, na we-
nji, na wiririiria bwa uthungiiri,
na kurombaga ming'uanano, na
mantu ja marogi, ona gutuma
uthu, na kuthanganaga, na rurii-
tho, na maruru, na kuringanagi-
ra nkanja, na mantu ja kwathuka-**

naga, na moritani ja urongo, na
kwiririiria, na kwogita, na kwi-
naga ndwimbo iria itiagirite, ona
mantu jangi jaria jakari ta jau.
Atiri, untu bwa mantu jau ndi-
bwira na mma, o ta uria ndabwi-
rire igitia ria mbere, ati antu baria
bathithagia mantu jau batikoroo-
na rugai unenene bwa Murungu.

Njuno 23:31, 32

**Ukaraithiiria ndivei riria iri
intune, riria rangi yayo igukenya-
kenya rugojine, riria ikunyoroka
bwega igikobotua. Muthia jwayo
nijurumanaga ta njoka, na juka-
rathana ta kiuua.**

Mathayo 22:37, 38

Na Jesu aramwira, Endaga Mwathani Murungu waku na nkoro yaku yonthe, na kirundu giaku kionthe, na mathuganio jaku jonthe. Riri nirio yathana riria riri riinene na ria mbere.

Mariko 10:17-22

... Muritani umwega, mbagiri nthithia atia nikenda nkoona rugai rwa mwoyo jwa kenya-na-kenya? Jesu aramucokeria atiri, Niki untu ukumbita umwega? Gutiwe uri umwega tiga umwe wenka, nawe ni Murungu. Nukumenya maathana: Ukooragana, Ukathungiira, Ukaiya, Ugatwirii-ra ukuuji bwa urongo, Ukaanii-

ria, Ikagiira abagu na nyakwe. Nawe aramwira, Muritani, mantu jau jonthe indamenyagiira kuuma withi bwakwa. Jesu aramuraithii-ria aramwenda, aramwira atiri, Kuri untu bumwe wagite: ita wedie biria uri nabio, unenkere nkia, nagwe ukoona muriikana Iguru; nyuma wije unthingate. Indi uthiu bwawe burakunjara tontu bwa nteto iu, nawe areeta na kwithikiira, untu aari na motonga jamaingi.

Njuno 16:25

Kuri njira yonekaga ni muntu teka iri injega, indi muthia jwayo ni njira cia gikuu.

Aefeso 5:6

Menyeni bwija kwaua ni muntu kinya uriku na mantu ja utheri, tontu mantu ta jau nijo jatuma maga muthuuro jwa Murungu jwijiira ruciara ruria ruremu.

1 Akorintho 6:9, 10

Kana kabutiiji baria batiagirite batikoona rugai unenene bwa Murungu? Imenyeereni butikeeje kwairua: amaramari kana baria barombaga ming'uanano, kana athungiiri ba arume kana ba aka, antu ba mithuuro, kana aamba, kana aiririiria, kana oogiti, kana arumani, kana atunyani, batigakuruka unenene bwa Murungu.

Jakubu 1:22

Indi eejageni antu baria bathithagia ruteto, ti bwejage ba kwigua aki bugiciaiiragia bwingwa.

1 Johana 3:7, 8a

Aana bakwa baanini, bukarekeni muntu kinya uriku abwaatithia njira: uria uthithagia jaria jaagirite niwe wagirite, o ta uria We aagirite; uria uthithagia wiya aumite gwa nkoma; tontu nkoma niwe uthithagia meeyia kuuma o kiambiriiria

Agalatia 6:3

Nikwithirwa muntu kinya uriku uria uciiraga ati ni muntu umung'anu, ningi tiu akari, muntu uu ni guciayia aciaagia.

Aroma 5:12

Tontu buu mantu jakari atiri, untu bwa uria meeyia jaatonyere nthi yonthe ni untu bwa muntu umwe, na gikuu kireeja na njira iu ya meeyia, na gikuu kiu kira-tungana antu bonthe ni untu bwa uria bonthe baari eeyia.

Jakubu 1:15

Na kwiririiria kuu, riria kwa-gia iu, gugaciara wiyia; na wiyia bwang'ana bugaciara gikuu.

Aroma 8:6

Tontu-ri, kuthugania mantu ja mwiri ni gikuu kuretage; indi ku-thuganagia mantu ja Kirundu ni mwoyo kuretage, na ukiri.

O nkoro ya muntu iria yagia niyo igakua: guti mwana ugaka-mata umaramari bwa ithe, kana ithe wa muntu akamata umara-mari bwa mwanowe; untu bwa wagiru bugakara iguru ria mu-ntru uria wagirite, na uthuuku bu-gakara iguru ria muntu uria uthuukagia. — Ezekiel 18:20

Indi-ri, nikwagirite turuga kia-tho, na tugwirua; nikwithirwa mutana-wa-abagu uju karakuite na nandi akuriuka, karaurite na nandi akwonora. — Luka 15:32

Njuno 11:19

Uria urikitie mantu ja wagiru agakinyira mwoyo, indi uria uthi-ngataga maui niairetagira gikuu.

Luka 7:14, 15a

Arathengeera akui, araringithia ururi, na akamati babu bararungama kii. Arauga atiri, Muthaka, ndikwira atiri, Ukiira. Na-ri, muntu uria wakuite arookiira, arakara nthi, arambiriria kwaria....

Johana 11:43, 44

Aathiria kuuga uu aratumiiria na kaju gakanene arauga, Lazaro, uma. Na uria wakuite araura, atheeki maguru na njara na itambaa biria biogaga muntu umukuu; na uthiu bukuniki na nanga. Jesu arabeera, Mwogoreni bureke eete.

Johana 10:17, 18

Nikio gitumite Baaba ampenda, ni untu nindekeeretie mwayo jwakwa nikenda ngacoka kujukia kairi. Guti muntu untunyikia ju; nini nkajurekeeria ningwa. Ndi na watho bwa kuju-rekeeria, na ningi ndi na watho bwa kwija kujukia kairi. Niu ndaathirwe ni Baaba.

Kugwurirwa 1:18

Nini uria utuuraga mwoyo; na nini ndakuute, na atiri, nini ujutwire mwoyo kenya na kenya; na mbunguro ndi nacio cia kurgura gikuu na Nkomene.

Kuriikanithia Maathana 5:7-21

Ukagita na mirungu ingi kwa-tha ni. Ukaithithiria mung'uana-no jwa kujiyia, mung'uanano jwa gintu kinya kiriku kia biria biri iguru, kana kia biria biri guku nthi, kana ndene ya ruuji ruria ruri nthiguru; ukabituriria maru kana ubiathikira . . .

Ukorogweta riitwa ria Mwa-thani Murungu waku utheri na ruugo; tontu Mwathani atikauga muntu ati na meeyia uria ugwe-taga riitwa riawe na ruugo.

Riikanaga ntuku ya sabatu umitujage intheru, o ta uria Mwa-thani Murungu waku akwathite.

Ritaga ngugi mithenya itantatu uthithie mantu jaku jonthe; indi mithenya jwa mugwanja ni sa-batu kiri Mwathani Murungu waku . . .

Ikagiira abagu na nyakwe, o ta uria Mwathani Murungu waku akwathite uthithagie . . .

Ukororagana.

Ukorothungiira.

Ukoroia.

Kana wija kuriwiriira mutuu-rioku ukuuji bwa urongo.

Ukoroiririiria muka wa mutuu-ri waku; kana wija kwiririiria nyomba ya mutuuri waku, kana muunda jwawe, kana muriti wa-we wa ngugi ntomurume kana

muka, kana ng'ombe ciawe, kana ntigiri ciawe, kana gantu ki-

nya kariku karia mutuuri waku ari nako.

UTIUMBA GWICIITHA MURUNGU

21

Ayubu 34:21, 22

Nikwithirwa akaraga arraithii-
ritie miitire ya antu, akoona jo-
nthe jaria athithagia. Guti mugu-
ndu kana kirundu gia gikuu aria
antu baria beagia boomba gwi-
ciitha.

Zaburi 139:8 na 12

Ndaitia matune, Gwe ni ku
uri; Ndaara ururi bwakwa nkome-
nene, Gwe no ku uri.... Kinya
mugundu kirigwe ti mugundu, Na
utuku bwaaraga o ta muthenya;
Kirigwe, mugundu na weru ibi-
ng'uanene.

Jeremia 23:24

Anga kuri muntu kinya uriku
uumba gwicitha antu aria a wi-
tho ntimwone ni? niu Mwathani
akuuga. Anga tini mbujurite igu-
ru na nthi? niu Mwathani akuu-
ga.

Njuno 15:3

Metho ja Mwathani jari o gu-
ntu kunthe, jaraithiritie umuui
ona umwega.

Luka 8:17

Nikwithirwa guti untu bwithi
butikoroithurwa; kana witho bu-
tikamenyewa bwonwa kunuu.

22 KWERITHUA GWA KENYA NA KENYA KWA BARIA BAREGETE

Mathayo 13:41, 42

Mutana - wa - muntu agatuma
araika bawe, nabo bakoothura-
nia into bionthe biria bigitaragia
antu biume unenene bwawe, o
na antu baria bathithagia mo-
thuuku, babagere rumurine rwa
mwanki: kuu niku gugakara na
kurira na kuria maigo.

Mathayo 18:8

Na njara yaku kana kuguru
gwaku gwatuma ugiitara, kugiite,
ugute kuume kirigwe: nikwithi-
rwa bwakwagira ugikuruka mwo-
yone uri kionje kana kithua, nku-

ruki ya kwija kugerwa mwankine
juria jutikorooreka uri na njara
cio-ijiri kana maguru jo-jairi.

2 Petero 3:7

Indi-ri, Iguru riria riri o nandi,
na nthi, nibiekiirwe mwanki, na
tontu bwa ruteto ruu birakara
bieteerete igamba, o na ntuku ya
kuthirua kwa antu baria bai.

Antu bau nabo bageeta guntu
kuria antu bathangikagua bagi-
kaanukua kenya na kenya; na
antu baria aagiru nabo bageeta
guntu kuria kuri mwoyo jwa ke-
nya na kenya. — Mathayo 25:46

KWIIJA KWA IGAMBA

Ni untu bwa uria atwite kiatho gia ntuku iria akagambira antu na mugwi, baria batwire guntu kunthe, untu bwa muntu Uria aathuurire abagambithie; ningi aroonia antu bonthe untu bwa kubamenyithia ati mantu jau ni jamma, nabu nibu kumuriukia kuria aamuriukirie amurita kiri akuu.

— Mathithio 17:31

2 Petero 2:9

Nandi wona ati niu mantu jakari uu-ri, Mwathani naiji kwonokia antu bawe baria aagiru magerione, na agatuma antu baria bai bakarua beeteerete ntuku ya igamba riria igakinya.

Ahibirania 9:27

O ta uria kwathanitwe ati antu bakujaga gikuu kimwe, na nyuma yakio bakagambithua.

2 Akorintho 5:10

Tontu-ri, twinthe no kinya tukarungikwa mbere ya ruriga rwa Kristo rwa magamba twonanue uria tukari; nikenda o muntu o muntu akaewa itui riawe riria rimwagirite kwewa ni untu bwa mantu jaria aathithia na mwiri jwawe, jeethirwa jari jamega kana jari jamai.

Ni untu buu, twi twinthe o muntu o muntu, no kinya tukoroe-jana mantu jetu uria jakari mbere ya Murungu.

— Aroma 14:12

Aroma 5:15

Indi-ri, kiewa kia Murungu kira kiejanagwa na magi, gitikari ta uremi buu. Ni untu-ri, gukeethirwa antu babaingi baakuire ni untu bwa uremi bwa muntu umwe-ri, utugi bwa Murungu na kiewa kia magi bikaingea mono kiri babaingi utugine bwa muntu umwe, tawe Jesu Kristo.

Na-ri, untu buu butionoraga na untu bwa uria muntu eendaga, kana bwa uria eekagira wiru miftirene yawe, indi bwonoraga ni untu bwa Murungu, uria aigangaiirua kiao. — Aroma 9:16

Mathithio 4:33

Na atumwa nibakuujagiira nkuma ya kuriukua kwa Mwathani Jesu, bakiaragia na inya mono; na utugi bubwingi bwa Murungu bwari iguru ria bonthe.

Murungu nawe arokaathagwa ni untu bwa kiewa kiawe kiria aaejanire, kiria gitimenya kwiranika bwakio. — 2 Akorintho 9:15

Tontu ibwiji untu bwa utugi buria Mwathani wetu Jesu Kristo aari nabu, nabu ni ati kinya kethira aari gitonga, naacokere araa nkia ni untu bwenu, nikenda bwi bukaa itonga ni untu bwa ukia bwawe. — 2 Akorintho 8:9

Luka 13:3

Neka nkubwira atiri, Ari; indi bwi nonga bukairira, bukaura bwinthe o tabo.

Mathayo 3:2

Akiugaga atiri, Irireni, tontu unene bwa Iguru ibuthengeerete.

Mathithio 17:30

Indi-ri, igiita riria bataiji mantu jau, Murungu atatindanagira na mantu jaja; indi nandi aathanga na mma ati antu bonthe ba guntu kunthe bairire meeyia jao.

2 Akorintho 7:10

Tontu kwithikiira kuria kuu-maga kiri Murungu niku kureta-ge untu bwa kwirira buria guti-

we ucokekia kwithaa ni untu bwabu, na niku gutumaga muntu oonoke; indi-ri, kwithikiira kuria kuumaga mantune ja nthiguru iji niku kuretanagiira gikuu.

Mathithio 3:19

Ni untu bwa jau irireni, bugaruke nikenda meeyia jenu jaangu-rwa, na magiita ja kuuruka jeeje jaumite kwa Mwathani.

Mathithio 2:38

Na Petero arabeera atiri, Irireni bubatithue riitwene ria Jesu Kristo o umwe o umwe, nikenda bwona kurekerwa kwa meeyia jenu, nabwi bukaewa kiewa gia Kirundu Umutheru.

Mathayo 6:14

Ni untu bukeethirwa bwi ibu-rekagira antu bangi irema riao, nou kinya Abagu wenu wa Igru akaburekagira kinya bwi.

Ezekieli 18:21

Indi muntu uria mui akeeja gutiga ui bwawe buria aathithia bunthe, akagwatana na mawatho jakwa, na akathithagia mantu jaria jabwirite na jaagirite: ni mma uu agatuura mwoyo, atikua.

Muntu uria mui natigane na miitire yawe, na muntu uria utiagirite nate mathuganio jawe; na-coke kiri Mwathani, nawe aka-mwigirirua kiao, acoke kiri Mu-

rungu wetu, nawe akamurekera buru.

— Isaya 55:7

Atiri, ni ndungi mwarine nkiringingaga, muntu kinya uriku akeeja kwigua kaju gakwa akarugura mwari, ngakuruka kiriwe, ndijanire nawe, nawe arijanire nani.

— Kugwurirwa 3:20

Mathithio 5:31

We niwe Murungu aneneetie amwethia Munene na Mwonokia, nikenda atuma Aisraeli bairira na barekerwa meeyia jao.

Mariko 2:5

Na Jesu oona witikio bwao areera kionje atiri, Mutana, mee-yia jaku jakurekerwa.

Tito 2:11, 12

Ni untu utugi bwa Murungu buria buretithagiria antu bonthe kwonokua ibwonorete; nabu nibu butwonagiiria mantu, tumenye guciathura kiri mantu jaria malthuuku na kiri mairiiria jonthe ja nthiguru iji, na tutuурage turi na uume bwa nkoro, na twagirite, turumiirite Murungu igiitene riri turi nandi.

Aefeso 5:11

Ningi bugeetikireni kwiringanira na baria bathithagia mantu jau ja mugundu, jaria jatibui; indi nkuruki karageni bukijame-nagiiria.

Isaya 1:16

Ithambieni bwitherie; bwebie uthuuku bwa mathithio jenu butigakare mbere ya metho jakwa; tiganeni na kwiyia.

1 Johana 2:15, 16

Bukeendeni nthiguru, kana into biria biri nthiguru. Kethira mutu nakwenda nthiguru, wendani bwa Baaba wetu buti ndene yawe. Nikwithirwa-ri, into bio-nthe biria biri nthiguru, tabio kwiririiria kwa mwiri, na kwiririiria kwa metho, na gwikaatha kwa mwoyo juju, mantu jau ja-tiumaga kiri Baaba wetu, indi jaumaga nthiguru.

Ezekieli 36:26

Nani nkabwa nkoro injeru, na mbikire mwoyo jumweru ndene yenu: nani nkarita nkoro ya iiga iria iri miirine yenu, ncoke mbwe nkoro ya nyama.

2 Akorintho 5:17

Tontu buu, muntu kinya uriku uria uri ndene ya Kristo, nagaruri aa kiumbe kingi gikieru; mantu jaria ja karaja ijathiri, na-ri, ni-jaete jangi jameru.

Nikwithirwa guciawwa kuu kwenu buciari kairi gutiumite kiri mbeu iria yoraga, indi kuumite kiri mbeu iria itioraga, ni untu bwa Murungu Uria utwire mwo-

yo, na nowe utuuraga magiita jo-nthe. — 1 Petero 1:23

Bukeethirwa ibwiji ati We naagirite, bumenye ati o muntu uria uthithagia jaria jaagirite, aciari aumite kiriwe. — 1 Johana 2:29

1 Johana 5:18

Nitwiji bwega mma ati we uria uciari ni Murungu atithithagia wiyia; We uria waciarirwe ni Murungu namukaragia, atikeeje kuringithua ni uria mui.

Jesu nawe aracokia aramwira, Ni mma ni mma, kangukwira atiri, Muntu akarega guciawwa kai-ri atiumba kwona unene bwa Murungu. — Johana 3:3

GUKUIRA MEEYIA — KURIUKA NDENE YA KRISTO

29

Aefeso 2:1 na 6

Na kinya bwi Murungu naatumire bugita mwoyo riria bwakuite ni untu bwa irema na meeyia jenu . . . na ningi naaturiukanirie amwe nawe, aratukarithia Iguru turi nawe ndene ya Kristo Jesu.

1 Petero 2:24

Nungi niwe wairire meeyia jeu na mwiri jwawe wengwa ari mutine iguru, nikenda twi twathiria gukua kiri meeyia, twije tugatuure mwoyo turi wagirune; na nguma ciawe nicio ciatumire bworua.

Agalatia 5:24

Na-ri, antu baria bari ba Kristo Jesu nibooragite miiri yao, na kumiamba mutine iguru amwe na mathuganio jaria mathuuku na maiririiria jayo.

Aroma 6:2 na 11

Ari, gukorokara uu! Anga twi baria twakuire turatigana na wiyyia, ni atia tucokekia gutuura twiagia? . . . Uu no ta u, bwi na-bwi itarageni ta bukuite bwatigana na meeyia, na nandi buri mwoyo ni untu bwa Murungu ndene ya Jesu Kristo.

Agalatia 6:8

Nikwithirwa muntu uria ukwanda mbeu cia mwiri jwawe wenngwa-ri, muntu uu ni woru agaketha untune buu; indi muntu uria wandaga mantu ja Kirundu, uu agaketha mwoyo juria jutikorothira mantune ja Kirundu.

Johana 3:14, 15

Na o ta uria Musa aarungikire njoka buurine, no u Mutana-wamuntu abwirite kurungikwa; nikenda muntu kinya uriku uria ugeetikia akagita mwoyo jwa kenya na kenya ndene yawe.

Na mwoyo jwa kenya na kenya ni-ri, ni bamenye Gwe uri

Murungu wa mma, na bamenye uria watumire, nawe niwe Jesu Kristo. — Johana 17:3

Aroma 6:23

Ni untu mucara jwa wiyia ni gikuu, indi kiewa kiria Murungu aejanaga na magi ni mwoyo jwa kenya na kenya ndene ya Kristo Jesu Mwathani wetu.

Johana 5:24

Ni mma ni mma gankubwira atiri, Muntu uria wigagua nteto ciakwa na ageetikia uria wantumire, uu ari na mwoyo jwa kenya na kenya, na ti wa kugambithua; nathiritie kuuma gikuune aakuruka mwoyone.

Kiria gitumaga tumenya ati nitutuuraga ndene yawe, nawe agatuura ndene yetu-ri, ni untu bwa uria atunenkerete Kirundu wawe. — 1 Johana 4:13

Na nandi bwi, tontu buri atan-a ba Murungu, nikio giatumi-re Murungu atume Kirundu wa Mutanowe akuruke ndene ya nkoro cienu atumagiirie, akiugaga atiri: Abba, Baaba! — Agalatia 4:6

1 Johana 3:18, 19

Aana bakwa baaniini, tukee-ndaneni na rwaria kana na kanyua gonka; indi nitwendanage na mathithio na twendanage na mma. Na untu bwa ruteto ruu tu-

kamenya ati tuumite kiri mma, na tumenye ati tuthiragia nkoro cietu nkanja mbere yawe.

Johana 14:21

Uria ukaraga na maathana ja-kwa na akajamenyagiira, uu niwe umpendaga; na uria umpendaga akeendwa ni Baaba, nani nka-mwenda, na ngacionania kiriwe.

Isaya 32:17

Nayo ngugi ya wagiru ikaa thiiri; na maciara ja wagiru jae ukiri na mma kenya na kenya.

Aroma 8:16

Kirundu wengwa niwe mukuuji amwe na nkoro cietu, wa gutume-nyithia ati turi aana ba Murungu.

Johana 17:13

Na nandi mbijite kirigwe, na-ni ndauga nteto iji ndi nthiguru, nikenda kinya bo boojurwa ni kugwirua gwakwa ndene yao.

Aroma 14:17

Tontu unene bwa Murungu ti untu bwa kuria na kunyua, indi ni bwa wagiru na thiiri, na kugwirua ndene ya Kirundu Umutheru.

Na kinya ndeethirwa nindambarirue na Kristo mutine iguru, ndi o mwoyo; indi-ri, nandi ti ni ntuuraga mwoyo, indi ni Kristo utwire mwoyo ndene yakwa; ningi mwoyo juria ntwire ndi naju mwirine juu, ntwire na-

ju ni untu bwa gwitikia kuria mbitikitie Mutana wa Murungu uria wampendere, arairekeeria ni untu bwakwa. — Agalatia 2:20

Atiri, tontu buu bwi bugataaga ruuji buri na nkeru ithimene bia wonokanio. — Isaya 12:3

Ndabwira mantu jaja nikenda bukara na kugwirua kuria ndi naku, na kugwirua kwenu kuuju-rue. — Johana 15:11

Zaburi 16:11

Ukamenyithagia njira ya mwoyo; Aria Gwe uri, ari na nyiro ya kugwirua; Njara yaku ya urio iri na mantu ja kugwirania jaria jatithiraga mwanka kenya.

1 Samweli 12:15

Indi kethira butithikiira kaju ka Mwathani, butue kuregaga mawatho jawe, riu njara ya Mwathani ikarua nabwi, o ta uria yaruire na ba-abagu.

2 Athesalonike 1:7-9

Na gutuma bwi buthangikagua nikenda bukara na ukiri nkorone cienu amwe natwi, igiita riria Mwathani wetu Jesu akagwurwa, aumite Iguru amwe na araika ba inya yawe, beejite na mwanki ju-ri na ndumuri; nawe agakaanukia antu akibauraga baria batiji Murungu, na baria batiitikagira

nkuma iji njega ya Mwathani Je-su; na ikaanukia riu ria antu bau nirio ikaanukia ria kuthirua gwa kenya na kenya, batikeeje guco-ka kwonana na Mwathani uthiu, kana bacoka kwona mwago jwa inya yawe.

Kuriikanithai Maathana 11:26-28a

Atiri, ntuku iji ya narua ni kitharimo ona kirumi nkubwaniki-ra mbere yenu; kie kitharimo ke-thira bukaigagua maathana ja Mwathani Murungu wenu, o ja-ja nkubwatha narua iji, kana kie kirumi bwarega kwigua maathana ja Mwathani Murungu wenu . . .

Ningi o ruume ruumburage ati Jesu Kristo niwe Mwathani, nikenda Murungu Baaba wetu na-we akumagua. — Afilipi 2:11

Mathayo 10:32, 33

Niu o muntu uria ugampumbura mbere ya antu ati ni wakwa, uu niwe nani nkaumbura mbere ya Baaba uria uri Iguru ati ni wakwa. Indi-ri, o muntu uria ugankaana mbere ya antu, uu kinya ni nkamukaana mbere ya Baaba uria uri Iguru.

Tontu ukeeja kuumbura na kanyua gaku ati Jesu niwe Mwathani, na gwitikia ugeetikia na nkoro yaku, ati Murungu naamuriukirie arauma kiri akuu ukoono-

kua; tontu nkoro niyo muntu eetikagia nayo nikenda aethua umwagiru; na kanyua niko muntu aumburaga nako nikenda aakonokua. — Aroma 10:9, 10

1 Johana 2:23

Muntu kinya uriku uria ukaanaga Mutana, uu ati na Baaba wetu; na uria uumburaga Mutana ari na kinya Baaba wetu.

Nikwithirwa o muntu uria ukaigua nthao ni untu bwakwa, na ni untu bwa nteto ciakwa, muntu uu Mutana-wa-muntu aka-mwigiirua nthao kinya we, riria akeeja mwagone jwawe wengwa, na jwa Ithe, o na jwa araiaka baria atheru. — Luka 9:26

1 Petero 5:8

Karageni buciuki na butikwogita, ningi buti toro; tontu-ri, munthu wenu uria witagwa Nkoma, atarataraga ta ngatunyi ikugamba agicwaga muntu wa kuria.

Mathayo 4:1 na 10, 11

Igiita riu Jesu naikirue ni Kirundu buurine nikenda agerua ni nkoma Riu Jesu aramiira atiri, Ita utigane nani Shaitani, tontu kwandikitwe, Thathayia Mwathani Murungu waku, na umwathikagire We Wenka. Riu nkoma iramutiga, na atiri, araika bareeja kiriwe kumutethia.

Na-ri, ni Shaitani itumaga muregi uu wa watho eethirwa ari

nthi iji akigitaga antu baria beetaga na njira cia kuura mantu jawe ja inya yonthe, na biama, na mantu ja morongo jaria jagegagia antu. — 2 Athesalonike 2:9

Aefeso 6:11

Ikundikeni mathaga jontha ja Murungu ja ndua, nikenda bukombba gweteera wayia bwa Nkoma, riria bugatua kurua nayo.

Ukabamincuria metho nikenda beerekere weru baume mugundune, ningi beerekere Murungu batigane na inya ya Shaitani, kenda bakarekerwa meeyia jao, boone rugai rwao amwe na baria batheretue ni untu bwa kumbitikia. — Mathithio 26:18

2 Athesalonike 2:8

Indiu nirio muntu uu uregaga akagwurwa, nawe uu niwe Mwathani wetu Jesu akathiria na miruki ya kanyua kawe, amuthirie ni untu bwa kwoneka kwawe na kwija kwawe.

Tontu buu-ri, itikireni kwathwa ni Murungu na bukimwigagua; nkoma nayo miregageni kumiitikia, nayo ikabumatuка. Thengeereni Murungu, nawe akabuthengeera... — Jakubu 4:7, 8a

Na tontu bwa uria aana bau bari na rugai ruu rwa nyama na tharike, nawe no u aajukirie rugai rwawe rwa into biu; nikenda na njira ya gukua eenyangia uria

wari na inya ya gikuu, nawe ni Nkoma. — Ahibirania 2:14

Aroma 8:35 na 37

Nimbi itwathuranikia na wendani bwa Kristo? ni kuthangikua, kana mokia, kana kugitwa bubui, kana mpara, kana kithunu, kana ugвати, kana ruciu?... Indi-ri mantune jau jonthe twi tuumbanite tugakurukithia, ndene ya uria watwendere.

1 Johana 3:8

Uria uthithagia wiya aumite gwa nkoma; tontu nkoma niwe uthithagia meeyia kuuma o kiambiriiria. Nikio giatumire Mwana-wa-Murungu agwurwa nikenda eenyangia ngugi cia nkoma.

1 Johana 4:20

Kethira muntu akauga, Nimpendaga Murungu, indi akeethirwa nathwire mutanethe, muntu uu ni murongo; nikwithirwa uria uthuuraga mutanethe uria akwona na metho-ri, atiumba kwenda Murungu uria ationaga.

1 Akorintho 13:1

Kinya nkeethirwa mbaragia na migambo ya antu na ya araika, nani nti na wendani, nkari ta kibeere kiria kiri muruumo, kana ntuara ya kuringanua.

Agalatia 5:22, 23a

Indi-ri, ruciara rwa Kirundu niru ruru: ni kwendana, na ku-

gwirua, na ukiri, na kuumiiria, gutugana, kuthithaniria bwega, na gwitikania, na kwinyiyia, na nangi muntu amenyagiire mwiri jwawe bwega . . .

1 Johana 21:16

Aramuuria kairi ria jairi, Simon wa Jona, numpendete? Aramwira, Ii Mwathani, gwe nwiji ninkwendete. Nawe aramwira atiri, Riithagia ng'ondu ciakwa.

1 Johana 3:14

Twi nitukumenya ati nituthirite kuuma gikuune na twakuruka mwoyone, tontu nitwendete aana-ba-Baaba. Uria utiendanga atuuraga gikuune.

Mariko 16:9

Na-ri, aathiria kuriuka ruukiiri kainda, ntuku ya mbere ya kiuria, aambire gucionania kiri Maramiu Mumagidali, uria aaritite nkoma mugwanja.

Mathithio 10:39-41

Natwi turi akuuji ba mantu jau jonthe jaria aathithagia nthiguru ya Ayahudi o na Jerusalemu. Nawe niwe woragirwe ni antu baramucuuria mutine iguru. Indi-ri, Murungu naamuriukirie muthenya jwa ithatu, aratum acoke kwonwa, indi ti antu bonthe, nonga kwonwa ni akuuji baria baathuurirwe o mbere ni Murungu, nabo nibo batwi baria

twarijaga na twanyunyaga amwe nawe, aathiria kuriuka kuuma kiri akuu.

Johana 20:26-28

Ningi ntuku inyanya ciathira, aritwa bawe nibaari nyomba kai-ri bari na Toma. Jesu nawe aree-ja miari iingi, ararungama gati-gati araugua, **Ukiri burokaraga nabwi. Aracoka areera Toma atiri, Rete kiara giaku aja wone njara ciakwa; na urete njara yaku uringithie rwaru rwakwa; utige kurega gwitikia, ukare uri na witikio. Toma aracokia aramwira atiri, Uri Mwathani wakwa, ningi uri Murungu wakwa!**

2 Akorintho 4:14

Tukimenyaga ati o we Uria
wariukirie Mwathani wetu Jesu,
kinya twi agaturiukia amwe na
Jesu, atume turungikwa mbere
yawe amwe nabwi.

Ni mma ni mma gankubwira
atiri, Igiita irrijite, na nandi riri
o, riria akuu bakaigua kaju ka
Mutana wa Murungu, na baria
bakaigua bakagita mwoyo . . .
Menyeni burigara ni untu buu;
tontu igiita rikeeja riria antu bo-
nthe baria bari mbirirene baka-
gua kaju kawe na baumagare. Ba-
ria bathithitie bwega baume ba-
kinye kuriukene kwa mwoyo; na
baria bathithagia bubui baumire

bakinye kuriukene gwa kugambi-
thua. — Johana 5:25 na 28, 29

Aroma 6:3-5

Kabutiji ati twi twinthe ba-
ria tubatithitue ndene ya Kristo
Jesu, tubatithitue untune buu bwa
gikuu kiawe? Ni untu buu nitu-
thikaniritue nawe, untune buu
bwa gukujania nawe na untu buu
bwakubatithua, nikenda o ta uria
Kristo aariukirue ndene ya mwa-
go jwa Baaba wetu, kinya twi
tuumbage gwitaga na miitire
imieru. Ni untu-ri, kethira ituthi-
iritie kugwatithanua nawe untune
buu bwa gukujania nawe, uu no
ta u tukagwatithanua nawe ni
untu bwa kuriuka kwawe.

Luka 1:74, 75

Ati twathiria gutunyukua kuumma njarene cia anthu betu, Tukamwathikagira tutina uguaa, Mantune ja utheru na wagiru, ntukune cietu cionthe.

2 Akorintho 7:1

Atiri, bwi baria mpendete, tontu bwa uria turi na mawirane jau, twitheragieni tutiganage na untu kinya buriku buria buthukagia miiri ya antu o na nkoro ciao, na tuujuragie untu buu bwe-tu bwa kwaa baatheru.

Na tontu buu, muntu akeethir-wa aathukanaga na mantu jau, akaa gintu kiria kiri igweta, ningi

gikitheru, na ningi kiria kiagirite mwene nyomba aritage ngugi na-kio.

— 2 Timotheo 2:21

1 Petero 1:2

Bwi antu baria bataari ni untu bwa uria Murungu Baaba aiji o mbere, na untu bwa uria buthe-retue ni Kirundu Umutheru nikenda bukaathikira Mwathani Jesu Kristo na buminyaminyirue tharike yawe, bwi baria buri mpinga ni untu bwa uria bwan-yaganirue, baria buri Ponto, na Galatia, na Kapadokia, na Asia, na Bithinia: Utugi bwa Murungu burokaraga nabwi, na ukiri nabu burobwingiagira.

Efeso 1:4

Tontu mbere nthi itiroombwa natutaarire twee bawe ni untu bwa uria atwendete, ningi twee baatheru methone jawe twage antu aathuuku wendanine bwawe.

Isaya 35:8

Na ningi, antu au akagita njira ya itomoi na mwirigo, nayo igeetagwa Njira ya Utheru; na antu baria bati baatheru batikorokurukiira yo, na biaa bitikoroangatarania ku kairi.

Ahibiranja 13:12

Uu no u Jesu aanyamaariirue ome ya mpingiro kenda akatheria antu na tharike yawe wengwa.

Indi tukeethirwa tuumburaga

meeyia jetu, We ni mwitikua, na kairi naagirite, nawe agaturekera meeyia jetu, na atuthambie uthuuku bunthe. — 1 Johana 1:9

Mathayo 3:11

Ni mbubatithagia na ruuji ni untu bwa kwirira; indi ri, uria ukeeja nyuma yakwa ari na inya nkuruki yakwa, nani nting'ani wa gukamata iratu biawe: Uu ri, akabubatithia na Kirundu Umutheru o na mwanki.

2 Petero 3:11

Na tontu bwa uria gutirio into biu bitiinyanguari, nandi bwi bwagiri kwaa antu ba muthemba juriku mituurirene yenu ya mantu ja utheru na kwenda Murungu.

Luka 11:13

No u, kethira bwi baria buri baathuuku nibwiji kwa aana benu biewa bibiega, ka Abagu wenu uria uri Iguru atimenya kweejanaga Kirundu Umutheru kiri baria bamurombaga nkuruki ya uu?

Mathithio 1:8a

Indi bwi bukaewa inya, Kirundu Umutheru aathiria kwija iguru rienu . . .

Ezekieli 36:27

Ngeekira mwoyo jwakwa ndene yenu, na ntume bwitagira manwathani jakwa, nabwi bukame-nyagiira matwiro jakwa ja igma-mba, na buthithagie o uria jakari.

Indi bwi butithingataga mantu ja mwiri, nonga ja Kirundu, kethira Kirundu wa Murungu natuuraga ndene yenu. Indi-ri, mu-ntu kinya uriku ureethirwa ati na Kirundu wa Kristo, uu ti wa-we buru.

— Aroma 8:9

Mathithio 13:52

Na atumwa ba kuu baragwirua mono mono na baroojurwa ni Ki-rundu Umutheru.

Mathithio 4:31

Na riria baathiria kuromba, antu aria baari arainainua, na bonthe baroojurwa ni Kirundu Umutheru, baraaria ruteto rwa Murungu boomiiritie.

Zaburi 34:18

Mwathani ari akui na baria bari nkoro imbuniku, Na baria bari mioyo imioro nibo oonokagia.

Untu into bibi bionthe ni njara yakwa yaabiumbire, na tontu buu into bibi bionthe ni biakwa, niu Mwathani augite. Indi nkarai-thiiria muntu uju, uria uri mwinyiyia na wiririte nkorone, uria utetemaga ni untu bwa ruteto rwakwa.
— Isaya 66:2

Kugwurirwa 21:4

Nawe akaangura methori jo-nthe jaume methone jao; na gi-kuu gutirio gigacoka gukara o kairi; na gutirio gugacoka kugita

kieba kana kiro, kana kinya mu-rimo; tontu mantu jaria makuru jonthe nijathiritie gukuruka buru.

Itikagira Mwathani, na uthitha-gie wega; Utuurple nthiguru, ure-ragwe na witikiri. — Zaburi 37:3

Bwi baria mpendete mono, bu-karigarueni ni mantu jaria jakari ta ja kwiithia muntu, jaria ja-kabwijagiira ja kubugeria, jakari ta mantu jamageni; indi nkuruki-ri, gwiragueni bwona ati ka bu-ri ngwataniro na Kristo mitha-ngikone yawe, nikenda indiiria mwago jwawe jukagwurwa, bwi-ja kugwirua na kugwirua guku-nene.
— 1 Petero 4:12, 13

Ahibirania 2:18

Na-ri, tontu bwa uria We wen-gwa oonere mathiina ja kugerua, noombaga gutethia antu baria bageragua.

Aroma 16:20

Murungu wa ukiri nawe ageekira Shaitani rworo o au makin-yene jenu ntuti. Utugi bwa Mwathani wetu Jesu Kristo bu-rokaraga nabwi.

Isaya 43:2

Indiiria ugeetirira nduujine iria nyingi, ni ngakara amwe nagwe; na weetirira nduujine cia miuro, itikagukondorie; kinya ugeetirira mwankine, utiya, rumuri rwa mwanki rukagucuna.

Aroma 8:28

Natwi nitwiji ati mantu jo-nthe jeetanagia o amwe jakareta-ge itharimo bia Murungu kiri antu baria bamwendete, baria beetagwa o ta uria eethagirwa akiendaga kugitwa.

1 Akorintho 10:13

Butiragerua na magerio jaria butiumba gweteera, indi Murungu ni wa gwitikirwa, tontu We atiumba gwitikira bugerua na mage-rio jaria butiumba kuumiiria, indi-ri, igit a riria bukagerua aga-tua kubwonagiiria njira ya kwo-noka nayo, nikenda buumba kuu-miiria magerio jaria bukagerua najo.

Kugwurirwa 3:12

We uria ukoombana-ri, nkamwethia gitugi kiurune kia Murungu wakwa, na gutirio akorocoka kuumagara ku kairi; na mwirine jwawe nkamwandika riitwa ria Murungu wakwa, o na riitwa ria mucii jwa Murungu wakwa, naju ni Jerusalemu iria njeru, iria ikauma Iguru kwa Murungu wakwa, na ningi nkamwandika riitwa riakwa riongwa ririeru.

Kugwurirwa 3:5

Uria ukoombana niwe ugeekirwa nguu injeru; na gutirio nkawangura riitwa riawe riuma iu-

kune ria mwoyo, na ningi nkambura riitwa riawe mbere ya Baaba na mbere ya araika bawe.

Kugwurirwa 3:21

We uria ukoombana-ri, nkamwitikiiria atuguane amwe nani rurigene rwakwa rwa unene, o ta uria ni ndoombanire, na nandi ntuguani amwe na Baaba rurigene rwawe rwa unene.

Kugwurirwa 2:7

Uria uri na gutu nathikiire uria Kirundu akwira makanisa. Atiri, uria ukoombana nkamwitikiiria arijage ruciara rwa muti jwa mwoyo juria juri muundene jwa Paradisi.

46 MURUNGU NARAGIA NA TWI UNTUNE BWA KUTHARIA MURANU

1 Akorintho 7:10, 11

Indi baria bajukanitie ndibaa-tha atiri, na ti ni nkubaatha ni Mwathani ukubaatha, ati muka akorotigana na murumewe, (indi kethira agatigana nawe ni bwega akare atijukitue, kana acoke aiga-nue na murumewe). Na ningi ndiathana atiri, muntu murume akoroathukana na mukowe.

Aroma 7:2, 3

Tontu muka uria uri na murumewe nakaraga atheeki kiri murume ni watho igiita rionthe riria murumewe ari mwoyo; indi murumewe akeethirwa akuite,

muka uu nathauragwa kiri wa-tho buu bwa murumewe. Niu indi aringi kwithirwa naari na murume ungi, riria murumewe aari mwoyo, muka uu aethua mu-thithia wa mantu ja uthungiiri, indi murumewe akeethirwa akuite, riu agakaraga athauri mantu-ne ja watho . . .

Mathayo 5:32

Indi ni gankubwira atiri, o mu-ntu uria ukeenga mukowe, tiga ari na unto bwa uthungiiri, na-mwethetie muthungiiri; na uria ukamujukia eengi o uu, nathu-ngagiira nawe.

Jakubu 5:8

Nabwi no uu, umagiirieni na buumagiirie nkoro cienu; tontu Mwathani eengeerie kwija.

Nani ndeeta kubuthuraniira gi-karo, ngacoka na nkabujukia buare aria ndi; nikenda aria ndi, kinya bwi bukare o. — Johana 14:3

Kugwurirwa 3:11

Atiri, nimbijite ntuti: na tontu buu-ri, untu buria uri nabu, karaga ubugwete warikia, nikenda muntu kinya uriku atikeeje gugutunya thiru yaku.

Mariko 8:38

Nikwithirwa uria ukaigua nthao ni untu bwakwa kana untu

bwa nteto ciakwa, ruciarene ru-ru rwa uthungiiri na meeyia, Mutana - wa - muntu akamwigiiруa nthoni riria akeeja na mwago jwa Ithe amwe na araiaka baria atheru.

Mathayo 24:30

Na igiita riu kimenyithia kia Mutana-wa-muntu gikoonwa matune; na riu migongo ya nthiguru igakaya; nayo ikoona Mutana-wa-muntu eejite na matu ja iguru, o na inya na mwago jumwingi.

Mathayo 24:27

Nikwithirwa o ta uria rweni rwenagiria o gaiti, na rukoonwa mwanka ruguru; nou kwija kwa Mutana-wa-muntu gugakara.

1 Johana 3:2

Eendwa bakwa, nandi turi ana-ba-Murungu, na uria tugakara butiragwurwa; indi nitukumenya ati akigwurwa tukang'uanana nawe; nikwithirwa tukamwona uria akari.

Kugwurirwa 16:15

(Atiri, nimbijite ta mwamba, Kitharimo-ri, ni kiri muntu uria utwire aigwatirite, ningi amenyere-te nguu ciawe, atikeeje gwita kitunu, eeja gucokerwa ni nthao).

Luka 12:40

Nabwi karageni bwithuranirite; nikwithirwa Mutana-wa-muntu akeeja igiita riria butiji.

Mathithio 1:11

Nabo baraugu atiri, Ibwi antu ba Galili, nimbi itumite burungama butegete iguru? Jesu o uria aitithua iguru auma kiribwi, agacoka kairi o uu, o ja uria bwna agiitia iguru.

Mathayo 16:27

Tontu Mutana-wa-muntu akeeja na mwago jwa Ithe amwe na arai ka bawe; na igiita riu akarea o muntu uria ngugi ciawe ikari.

Luka 21:27

Na igiita riu bukoona Mutana-wa-muntu eejite na itu, ari na inya na mwago jumwingi.

RUTETO RWA MURUNGU

Indi Jesu aracokia arabeera,
Bukuthuukia uria butiji jaria
jaandiki, kana inya ya Murungu.

—Mathayo 22:29

Ni untu-ri, guti ruteto kinya
rumwe rwithirikua rureeja ni
untu bwa kwenda kwa muntu;
nonga-ri, ni Murungu utumaga
antu baarie, uria boojuritwe ni
Kirundu Umutheru.

—2 Petero 1:21

O ruteto runthe ruria ruri
Maandikone, ruria rwekirwe
ni Murungu nkorone ya muntu
uria warwandikire, niru kiguni
gia kuritana antu nakio, na gia

kumenyithagia antu wiyia bwao,
na gia kubakaanagia, o na gia
kuboonagiiria beetage na miitre
iria yagirite ya wagiru.

—2 Timotheo 3:16

Iguru na nthi bikathira, indi
nteto cia kanyua gakwa itikoro-
thira.

—Luka 21:33

Ruteto rwaku ndwithite o
nkorone yakwa ndene, Ntikeeje
kuthuukia kirigwe.

—Zaburi 119:11

Ruteto rwaku ni tawa ya ma-
guru jakwa, Na ni weru bwa
njira yakwa.

—Zaburi 119:105

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org
149 Kimeru (Kenya) HFA